



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

25 մայիսի 2016 թվականի №123Ն
ք. Երևան

**ՕՐԵՆՔՈՎ ՍԱՀՄԱՆՎԱԾ ԳՆՄԱՆ ԵՐԱՇԽԻՔԱՅԻՆ ԺԱՄԿԵՏԻ ԱՎԱՐՏԻՑ ՀԵՏՈ ՓՈՔՐ
ՀԻՂՐՈՒԷԼԵԿՏՐԱԿԱՅԱՆՆԵՐՈՒՄ ԵՎ ԷՆԵՐԳԻԱՅԻ ՎԵՐԱԿԱՆԳՆՎՈՂ ԱՅԼ
ԱՂՔՅՈՒՐՆԵՐԻ ԿԻՐԱՌՄԱՍԲ ԷԼԵԿՏՐԱԿԱՅԱՆՆԵՐՈՒՄ ԱՐՏԱԴՐՎՈՂ
ԷԼԵԿՏՐԱԿԱՆ ԷՆԵՐԳԻԱՅԻ ՀԵՏԱԳԱ ԳՆՄԱՆ ՄԱՍԻՆ**

Հաշվի առնելով, որ՝

ա) «Էներգետիկայի մասին» Հայաստանի Հանրապետության օրենքի (այսուհետ՝ Օրենք) 59-րդ հոդվածի 1-ին մասի «գ» կետով փոքր հիդրոէլեկտրակայանների և էներգիայի վերականգնվող այլ աղբյուրների կիրառմամբ էլեկտրական էներգիա արտադրող կայանների համար սահմանված երաշխիքային ժամկետը որոշ արտադրող կայանների համար ավարտվում է 2016 թվականի ընթացքում, իսկ արդեն իսկ ավարտվածների մասով՝ տարաժամկետումը լրանում է 2016 թվականի հուլիսի 1-ին,

բ) Օրենքի 5-րդ հոդվածի 1-ին մասի «ե» և «թ» կետերի համաձայն՝ էներգետիկայի բնագավառում պետական քաղաքականության հիմնական սկզբունքներից են՝ տեղական էներգետիկական պաշարների, էներգիայի այլընտրանքային աղբյուրների արդյունավետ օգտագործումը և դրան ուղղված տնտեսական ու իրավական մեխանիզմների կիրառումը, ինչպես նաև արտադրական հզորությունների առավելագույնս օգտագործման ապահովումը,

գ) Օրենքի 37-րդ հոդվածի համաձայն՝ էլեկտրաէներգետիկական համակարգի օպերատորի լիցենզիա ունեցող անձի կողմից օպերատիվ տեխնոլոգիական և տնտեսական կարգավարման գործառույթի իրականացումն ապահովվում է էլեկտրաէներգետիկական համակարգի օպերատորի լիցենզիա ունեցող անձի և էլեկտրաէներգետիկական համակարգի լիցենզավորված այլ անձանց միջև

փոխհարաբերությունների կարգով նախատեսված համակարգի ռեժիմների տարեկան պլանավորման սկզբունքի հիման վրա, և

հիմք ընդունելով «Էներգետիկայի մասին» Հայաստանի Հանրապետության օրենքի 17-րդ հոդվածի 1-ին մասի «գ» կետը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Սահմանել, որ Օրենքի 59-րդ հոդվածի 1-ին մասի «գ» կետի համաձայն՝ փոքր հիդրոէլեկտրակայաններում և էներգիայի վերականգնվող այլ աղբյուրների կիրառմամբ էլեկտրակայաններում արտադրվող էլեկտրական էներգիայի գնման երաշխիքային ժամկետի ավարտից հետո արտադրվող էլեկտրական էներգիան ենթակա է գնման էլեկտրական էներգիայի բաշխման լիցենզիա ունեցող անձի կողմից՝ էլեկտրաէներգետիկական համակարգի օպերատորի լիցենզիա ունեցող անձի կողմից տնտեսական կարգավարման շրջանակում իրականացվող համակարգի ռեժիմների տարեկան պլանավորման սկզբունքով:
2. Էլեկտրաէներգետիկական շուկային հաշվարկային կենտրոնի ծառայություններ մատուցող անձին՝ ընդունել ի գիտություն, որ սույն որոշման 1-ին կետում նշված կայաններից առաքված էլեկտրական էներգիան որևէ ժամանակահատվածում էլեկտրաէներգետիկական ներքին շուկայում էլեկտրական էներգիայի հաշվեկշռի փակողը լինելու դեպքում հաշվառումն իրականացվում է համաձայն Հայաստանի Հանրապետության հանրային ծառայությունները կարգավորող հանձնաժողովի 2014 թվականի մարտի 19-ի N55Ա որոշման:
3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**




Ռ. ՆԱԶԱՐՅԱՆ